



Broj: 01/3-50-1-3-14/07  
Sarajevo, 12. 11. 2007. godine

**Z A P I S N I K**  
**14. sjednice Komisije za vanjsku trgovinu i carine**  
**Predstavničkog doma Parlamentarne skupštine BiH,**  
**održane 12. 11. 2007. godine**

Sjednica je počela u 10 sati.

Sjednicom je predsjedavao prvi zamjenik predsjedavajuće Komisije Mehmed Suljkanović.

Sjednicom su prisustvovali članovi Komisije: Slavko Jovičić, Šemsudin Mehmedović, Salko Sokolović, Hadži Jovan Mitrović i Jerko Ivanković Lijanović.

Odsustvo su opravdali: Snježana Rajilić, Jozo Križanović i Ekrem Ajanović.

Za sjednicu Komisije predložen je i jednoglasno usvojen sljedeći

**D N E V N I R E D**

1. Usvajanje Zapisnika 12. sjednice Komisije,
2. Razmatranje Prijedloga zakona o izmjenama Zakona o poljoprivredi, ishrani i ruralnom razvoju Bosne i Hercegovine radi dostavljanja izvještaja Predstavničkom domu, u skladu s članom 111. Poslovnika Predstavničkog doma, predlagač: Vijeće ministara BiH (amandmane na Zakon dostavio je poslanik Šemsudin Mehmedović 4.10 i 29.10. 2007.),
3. Razmatranje amandmana Snježane Rajilić na osnovu zaključka 13. sjednice Komisije, predloženih na Prijedlog zakona o izmjenama Zakona o carinskoj tarifi BiH 9.10. 2007. godine, predlagač: Vijeće ministara BiH,
4. Tekuća pitanja:
  - a) zauzimanje stava o Izvještaju Komisije o Prijedlogu zakona o izmjenama Zakona o carinskoj tarifi BiH, čiji je predlagač Komisija, a koji je razmatran na 12. sjednici Komisije 25.9.2007.

**Ad.1.**

Zapisnik 12. sjednice Komisije usvojen je jednoglasno, bez primjedbi.

**Ad.2.**

Na početku rasprave o ovoj tački dnevnog reda konstatirano je da sjednici ne prisustvuje predstavnik predlagača Zakona, iako je blagovremeno upućen poziv za sjednicu.

S obzirom na to da je prisustvo predlagača bilo potrebno, Komisija je na osnovu odredbe člana 108. stav (2) Poslovnika Predstavničkog doma **zaključila da odgodi raspravu** o Prijedlogu zakona i razmatra amandmane na narednoj sjednici, te obavijesti predsjedavajućeg Predstavničkog doma da se na 17. sjednici Doma iz navedenih razloga ne razmatra Prijedlog zakona o poljoprivredi, ishrani i ruralnom razvoju Bosne i Hercegovine.

**Ad.3.**

**Razmatranje amandmana Snježane Rajilić na osnovu zaključka 13. sjednice Komisije, predloženih na Prijedlog zakona o izmjenama Zakona o carinskoj tarifi BiH 9.10. 2007., predlagač: Vijeće ministara BiH**

Prije početka rasprave o predloženim amandmanima Snježane Rajilić Šemsudin Mehmedović rekao je da su Jerko Ivanković Lijanović i on, shodno zaključku Komisije, dogovarali sastanak s ministrom vanjske trgovine i ekonomskih odnosa BiH s ciljem usaglašavanja i definiranja konačnog stava u vezi s Prijedlogom zakona o izmjeni Zakona o carinskoj tarifi BiH oba predlagača, koji nije održan.

U raspravi su učestvovali: Šemsudin Mehmedović, Jerko Ivanković Lijanović, Slavko Jovičić i Mehmed Suljkanović.

Članovi Komisije, uz napomenu predsjedavajućeg da je Slavko Jovičić ovlašten da, u ime Snježane Rajilić, zastupa i brani amandmane, jednoglasno su se složili da se o **Amandmanu I.** na Prijedlog zakona o izmjenama Zakona o carinskoj tarifi BiH, podnosioca Snježane Rajilić (vidi prilog), vodi rasprava i glasa sljedećim redoslijedom:

1. Amandman, kojim se mijenjaju određene carinske stope u **Poglavljju 8** ( VOĆE ZA JELO I ORAŠASTI PLODOVI; KORE AGRUMA, DINJA I LUBENICA), uz obrazloženje učesnika u raspravi da treba stimulirati i zaštititi domaću proizvodnju, s pet glasova „protiv“ i jednim „suzdržanim“ glasom, Komisija **nije usvojila**.
2. Amandman, kojim se mijenjaju određene carinske stope u **Poglavljju 11** ( PROIZVODI MLINSKE INDUSTRIJE; SLAD; SKROB; INULIN; GLUTEN OD PŠENICE), uz obrazloženje učesnika u raspravi da je djelimično ugrađen u grupni amandman usvojen na 13. sjednici, Komisija je **jednoglasno usvojila**.
3. Amandman, kojim se mijenjaju određene carinske stope u **Poglavljju 12** (ULJANO SJEMENJE I PLODOVI ; RAZNO ZRNEVLJE, SJEME I PLODOVI; INDUSTRIJSKO I LJEKOVITO BILJE; SLAMA I STOČNA HRANA), uz obrazloženje učesnika u raspravi da se odnosi na proizvodnju sušenog bilja i da treba zaštititi domaću proizvodnju, s pet glasova „protiv“ i jednim „suzdržanim“, Komisija **nije usvojila**.
4. Amandman, kojim se mijenjaju određene carinske stope u **Poglavljju 15** (MASNOĆE I ULJA ŽIVOTINJSKOG ILI BILJNOG PORIJEKLA I PROIZVODI NJIHOVOG RAZLAGANJA; PRERAĐENE JESTIVE MASNOĆE; VOSKOVI ŽIVOTINJSKOG I BILJNOG PORIJEKLA), uz obrazloženje učesnika u raspravi da postoji proizvodnja u BiH, s pet glasova „protiv“ i jednim „suzdržanim“, Komisija **nije usvojila**.
5. Amandman, kojim se mijenjaju određene carinske stope u **Poglavljju 17** (ŠEĆER I PROIZVODI OD ŠEĆERA), uz obrazloženje učesnika u raspravi da je definiran i djelimično ugrađen u amandman grupe, s pet glasova „protiv“ i jednim „suzdržanim“, Komisija **nije usvojila**.
6. Amandman, kojim se mijenjaju određene carinske stope u **Poglavljju 20** (PROIZVODI OD POVRĆA, VOĆA, ORAŠASTIH PLODOVA ILI OSTALIH DIJELOVA BILJA), uz obrazloženje učesnika u raspravi da je potrebno zadržati zaštitne mjere jer, primjenom Sporazuma CEFTA-e, navedeni proizvodi prilikom uvoza iz susjednih zemalja neće biti carinjani, s pet glasova „protiv“ i jednim „suzdržanim“, Komisija **nije usvojila**.
7. Amandman, kojim se mijenjaju određene carinske stope u **Poglavljju 27** (MINERALNA GORIVA, MINERALNA ULJA I PROIZVODI NJIHOVE DESTILACIJE, BITUMENSKE TVARI; MINERALNI VOSKOVI), uz obrazloženje učesnika u raspravi da je ranije dogovoreno s predlagačem amandmana da se zadrži postojeća stopa carine (0), s pet glasova „protiv“ i jednim "suzdržanim", Komisija **nije usvojila**.

8. Amandmani kojim se mijenjaju adređene carinske stope u **Poglavljju 44** (DRVO I PROIZVODI OD DRVETA; DRVENI UGALJ) s pet glasova „protiv“ i jednim „suzdržanim“, Komisija **nije usvojila**.
9. Amandman, kojim se mijenjaju određene carinske stope u **Poglavljju 48** (HARTIJA I KARTON; PROIZVODI OD HARTIJNE MASE, HARTIJE ILI OD KARTONA), uz obrazloženje učesnika u raspravi da je drvoprerađivačka industrija u krizi, s pet glasova „protiv“ i jednim „suzdržanim“, Komisija **nije usvojila**.
10. Amandman, kojim se mijenjaju određene carinske stope u **Poglavljju 50** (SVILA), Komisija je **jednoglasno usvojila**.
11. Amandman, kojim se mijenjaju određene carinske stope u **Poglavljju 51** (VUNA, FINA I GRUBA ŽIVOTINJSKA DLAKA; PREDIVO I TKANINE OD KONJSKE DLAKE), uz obrazloženje učesnika u raspravi da se izmjena carinske stope odnosi na porodicu proizvoda koja nije navedena, s pet glasova „protiv“ i jednim „suzdržanim“, Komisija **nije usvojila**.
12. Amandman, kojim se mijenjaju određene carinske stope u **Poglavljju 52** (PAMUK), Komisija je **jednoglasno usvojila**.
13. Amandman, kojim se mijenjaju određene carinske stope u **Poglavljju 54** (VJEŠTAČKI ILI SINTETIČKI FILAMENTI), uz obrazloženje učesnika u raspravi da se izmjena carinske stope odnosi na repromaterijal, Komisija je **jednoglasno usvojila**.
14. Amandman, kojim se mijenjaju određene carinske stope u **Poglavljju 55** (VJEŠTAČKA ILI SINTETIČKA VLAKNA, SJEČENA), nakon rasprave i konstatacije da se u Bosanskoj Dubici već instaliraju kapaciteti u tvornici za proizvodnju tkanina i pored toga što su navedene dvije tarifne oznake, a za ostala predložena samo četiri naslova bez konkretno navedenih tarifnih oznaka što je zaključeno da se preciziraju, Komisija je **jednoglasno usvojila**.
15. Amandman, kojim se mijenjaju određene carinske stope u **Poglavljju 56** (VATA, PUST I NETKANI MATERIJAL; POSEBNA PREĐA; KONOPI, UZICE I UŽAD TE PROIZVODI OD NJIH), Komisija je **jednoglasno usvojila**.
16. Amandman, kojim se mijenjaju određene carinske stope u **Poglavljju 58** (SPECIJALNE TKANINE; TEKSTILNI PROIZVODI DOBIVENI TAFTING POSTUPKOM; ČIPKE; TAPISERIJE; POZAMANTERIJA; VEZ), uz obrazloženje učesnika u raspravi da BiH ima domaću proizvodnju i da se radi o minimalnim ulaganjima, s pet glasova „protiv“ i jednim „suzdržanim“, Komisija **nije usvojila**.
17. Amandman, kojim se mijenjaju određene carinske stope u **Poglavljju 59** (TEKSTILNI MATERIJALI IMPREGNIRANI, PREMAZANI, PREVUČENI PREKRIVENI ILI LAMINIRANI; TEKSTILNI PROIZVODI POGODNI ZA TEHNIČKE SVRHE), Komisija je **jednoglasno usvojila**.
18. Amandman, kojim se mijenjaju određene carinske stope u **Poglavljju 60** (PLETENI ILI KUKIČANI MATERIJALI), s pet glasova „protiv“ i jednim „suzdržanim“, Komisija **nije usvojila**.
19. Amandman, kojim se mijenjaju određene carinske stope u **Poglavljju 62** (ODJEĆA I PRIBOR ZA ODJEĆU, OSIM PLETENIH I KUKIČANIH PROIZVODA), Komisija je **jednoglasno usvojila**.
20. Amandman, kojim se mijenjaju određene carinske stope u **Poglavljju 64** (OBUĆA, PAPUČE I SLIČNI PROIZVODI; DIJELOVI TIH PROIZVODA), s pet glasova „protiv“ i jednim „suzdržanim“, Komisija **nije usvojila**.

21. Amandman, kojim se mijenjaju određene carinske stope u **Poglavlju 72 (ŽELJEZO I ČELIK)**, uz obrazloženje učesnika u raspravi da su većim dijelom ugrađene u amandman grupe i usvojene na 13. sjednici, s pet glasova „protiv“ i jednim „suzdržanim“, Komisija **nije usvojila**.

U skladu s članom 109. stav (2) Poslovnika Predstavničkog doma, poslanik Šemsudin Mehmedović predložio je amandmane na tarifne oznake u Poglavlju 38, 69 i 72. Članovi Komisije o amandmanima su se izjasnili na sljedeći način:

- Amandman, kojim se mijenjaju određene carinske stope u **Poglavlju 38 (RAZNI PROIZVODI HEMIJSKE INDUSTRIJE)**, Komisija je jednoglasno **usvojila**.

- Amandman, kojim se mijenjaju određene carinske stope u **Poglavlju 69 (KERAMIČKI PROIZVODI)**, Komisija je jednoglasno **usvojila**.

- Amandman, kojim se mijenjaju određene carinske stope u Poglavlju 72 (ŽELJEZO I ČELIK), Komisija je jednoglasno **usvojila**.

Nakon rasprave, u kojoj su učestvovali: Mehmed Suljkanović, Slavko Jovičić, Šemsudin Mehmedović, Salko Sokolović, Hadži Jovan Mitrović, Jerko Ivanković Lijanović, Komisija je jednoglasno **z a k l j u č i l a** da se:

1. od Kolegija Doma zatraži da na 17. sjednici Predstavnički dom ne razmatra tač. 15. i 16., tj. Prijedlog zakona o izmjenama Zakona o carinskoj tarifi BiH ( predlagač: Vijeće ministara BiH) i Prijedlog zakona o izmjenama Zakona o carinskoj tarifi BiH, predlagač: Komisija za vanjsku trgovinu i carine, s obzirom da je potrebno dodatno vrijeme za usaglašavanje teksta ova dva zakonska prijedloga koji se paralelno nalaze u drugoj fazi osnovnog zakonodavnog postupka.

2. Upravnom odboru Uprave za indirektno oporezivanje BiH treba dostaviti cjelovit tekst Prijedloga navedenog zakona, s ugrađenim amandmanima koje je usvojila Komisija, radi dobivanja odobrenja u skladu s odredbama Zakona o sistemu indirektnog oporezivanja u Bosni i Hercegovini.

#### **Ad.4.**

##### **Tekuća pitanja:**

a) zauzimanje stava o Izvještaju Komisije o Prijedlogu zakona o izmjenama Zakona o carinskoj tarifi BiH, čiji je predlagač Komisija, a koji je, 25.9.2007., razmatran na 12. sjednici Komisije.

U raspravi su učestvovali: Šemsudin Mehmedović, Jerko Ivanković Lijanović, Mehmed Suljkanović i Slavko Jovičić.

Nakon rasprave i iznošenja mišljenja većine da ne bi bilo dobro da istovremeno u proceduri budu dva zakona iz iste oblasti, predloženo je da se Domu ne dostavlja izvještaj o Prijedlogu zakona čiji je predlagač Komisija do dobivanja odgovora Upravnog odbora UIOBiH na Prijedlog zakona Vijeća ministara BiH.

Predsjedavajući Mehmed Suljkanović ponovo je izrazio nezadovoljstvo zbog neažurnosti u radu MVTEO zbog nedostavljanja odgovora na 10 ranije upućenih urgencija udruženja poljoprivrednika po raznim osnovama. Također, data je primjedba na rad Ministarstva zbog neobnavljanja tarifnih kvota za pojedine tarifne oznake objavljene u Odluci o usaglašavanju i utvrđivanju Carinske tarife BiH („Službeni glasnik BiH“, br 80 /07), koja se primjenjuje od 10.11.2007. Propisano je da Vijeće ministara BiH može maksimalno dva puta godišnje ponoviti utvrđene kvote za pojedine tarifne oznake, što nije učinilo u posljednjih godinu dana. Resorno ministarstvo nije dostavilo odgovor na zaključke 13. sjednice Doma, od 5.9. 2007., kojim se obavezuje i zadužuje da predloži paket mjera kojim će omogućiti da bh. privrednici što spremnije dočekaju primjenu Sporazuma o izmjeni i proistupanju Centralnoevropskom sporazumu o slobodnoj trgovini (CEFTA 2006.)

Sjednica je završena u 11,30 sati.

Sastavni dio ovog zapisnika su razmatrani amandmani

Sekretar Komisije  
**Emira Češljarić**

Prvi zamjenik predsjedavajuće Komisije  
**Mehmed Suljkanović**